



第三〇二册

四庫全書

● 上海古籍出版社

本冊目次

明

附考

史(六)

證

清張廷玉等奉敕撰

清方嚴福等撰

.....一

欽定四庫全書

史部  
明史卷二百八十九

給事中臣劉涓慶勸

總校官編修臣朱鈐

欽定四庫全書

明史卷二百八十九

太學士張廷玉等奉勅修

列傳第一百六十七

忠義

自古忠臣義士皆國捐生節一  
時名垂百世歷代以

來倫極表章尚已明太祖初聚江左首領余闕福壽以

作忠義之氣至從龍將士或功未就而身亡若豫章康

欽定四庫全書

明史  
卷二百八十九

郎山兩廟及鷄籠山功臣廟所祀諸人爵贈公侯血食

俎豆侑享太廟恤錄子孫所以褒厲精忠激揚義烈意

至遠也建文之變羣臣不憚膏鼎鑊赤姻族以抗成祖

之威援雖表忠一錄出自傳疑亦足以知人心天性之

不泯矣仁宣以降重熙累洽垂二百餘載中間如交趾

之征土木之變宸濠之叛以暨神熹兩朝邊陲多故湛

身殉難者未易更僕數而司勲褒卹之典悉從優厚或

所司失奏後人得自陳請故節烈之績咸得顯嚴於時

迨莊烈之朝運丁陽九時則內外諸臣或預首封疆或致命闕下蹈死如歸者尤衆今就有明一代死義死事之臣博采旁蒐彙次如左同死者各因事附見其事寔繁多及國家興亡所繫或連屬他傳本末始若與夫直諫死忠疏草傳誦人口槩具前帙至若抒忠勝國抗命興朝稽諸前史例得並書我

太祖

太宗忠厚開基扶植名教獎張銓之守義釋張春而加禮

欽定四庫全書

明文  
卷二百八十九

洪量同天地大義懸日月

國史所載煥若丹青諸臣之遂志成仁斯為無忝故備列焉

花

雲

朱文選  
許璵等

王愷

孫

炎

王道同  
朱文剛

牟魯

裴源  
王均諒等

朱顯忠

王

綱

子齊遠

王禕

吳安

熊鼎

易紹宗

琴

彭

陳汝石等

皇甫斌

子弼  
吳貴等

張

琰  
熊尚初等

王禎

萬

琛  
王祐

周憲  
子幹

楊

忠  
李應等

吳景

王源  
孫璽等  
馮傑

霍

恩  
張汝舟等

孫燧

許

達

黃宏

馬思聰

宋

以方  
萬楠等  
鄭山

花雲懷遠人貌偉而黑驍勇絕倫至正十三年癸巳杖

劍謁太祖於臨濠奇其才俾將兵略地所至輒克破懷

欽定四庫全書

明文  
卷二百八十九

遠禽其師攻金椒拔之襲繆家寨羣寇散走太祖將取

滁洲率數騎前行雲從卒遇賊數千雲舉鉞翼太祖拔

劍躍馬衝陣而進賊驚曰此黑將軍勇甚不可當其鋒

兵至遂克滁洲甲午從取和州獲卒三百以功授管勾

乙未太祖渡江雲先濟既克太平以忠勇宿衛左右從

下集慶獲卒三千擢總管徇鎮江丹陽丹徒金壇皆克

之過馬駙沙剽盜數百遶道索戰雲且行且鬪三日夜

皆禽殺之授前部先鋒從拔常州守牛塘營太祖立行

樞密院於太平擢雲院判丁酉克常熟獲卒萬餘命起  
寧國兵陷山澤中八日羣盜相結梗道雲操矛鼓譟出  
入斬首千百計身不中一矢還駐太平庚子閏五月陳  
友諒以舟師來寇雲與元帥朱文選知府許瑗院判王  
鼎結陣迎戰文選戰死賊攻三日不得入以巨舟乘漲  
緣舟尾攀堞而上城陷賊縛雲奮身大呼縛盡裂起  
奪守者刀殺五六人罵曰賊非吾主敵盡趣降賊怒碎  
其首縛諸擒叢射之罵賊不少變至死聲猶壯年三十

欽定四庫全書

明史  
卷二百八十九

有九瑗鼎亦抗罵死太祖即吳王位追封雲東郎郡侯  
瑗高陽郡侯鼎太原郡侯立忠臣祠並祀之方戰急雲  
妻郅祭家廟挈三歲兒泣語家人曰城破吾夫必死吾  
義不獨存然不可使花氏無後若等善撫之雲被執郅  
赴水死侍兒孫應舉抱兒行被掠至九江孫夜投漁家  
脫簪珥屬養之及漢兵敗孫復竊兒走渡江遇僱軍奪  
舟棄江中浮斷木入葦洲採蓮寃哺兒七日不死夜半  
有父老雷老絮之行踰年達太祖所孫抱兒拜泣太祖

亦泣寘兒膝上曰將種也賜雷老水忽不見賜兒名燁  
累官水軍衛指揮僉事其五世孫為遼復州衛指揮請  
於世宗贈郅貞烈夫人孫安人立祠致祭文選者太祖養  
子也嘗與元帥秦友諒攻克無為州瑗字果夫樂平人  
元末兩舉鄉第一太祖駐婺州瑗謁曰足下欲定天  
下非延攬英雄難以成功太祖喜寘幕中參軍事已命  
守太平鼎儀徵人初為趙忠養子忠為總管克太平投  
行樞密院判鎮池州趙普勝來寇忠陣歿鼎嗣職復故

欽定四庫全書

明史  
卷二百八十九

姓駐太平至是三人皆死之時有劉齊者以江西行省  
參政守吉安守將李明道開門納友諒兵殺參政會萬  
中陳海執齊及知府宋叔華脅之降皆不屈又破臨安  
執同知趙天麟亦不屈並送友諒所友諒方攻洪都殺  
三人徇城下及陷無為州執知州董曾曾抗罵不屈沈  
之江

王愷字用和當塗人通經史為元府吏太祖拔太平召  
為掾從下京口撫定新附民及建中書省用為都事杭

州苗軍數萬降待命嚴州境愷馳諭之偕其帥至太祖克衢州命總制軍民事愷增城浚濠置遊擊軍籍丁壯得萬餘人常遇春屯兵金華部將擾民愷械而捷諸市遇春讓愷愷曰民者國之本捷一部將而民安將軍所樂聞也乃謝愷時饑疫相仍愷出倉粟修惠濟局全活無算學校毀與孔子家廟之在衢者並新之設博士弟子員士翕然悅服開化馬宣江山楊明並為亂先後討禽之遷左司郎中佐胡大海治省事苗軍作亂害大海

欽定四庫全書

卷二百八十九

七

其帥多德愷欲擁之而西愷正色曰吾守土義當死寧從賊耶遂竝其子行殺之年四十六愷善謀斷嘗白事未聽却立戶外抵暮不去太祖出怪問之愷諫如初卒從其議後贈奉直大夫飛騎尉追封當塗縣男

孫炎字伯融句容人面鐵色跛一足談辨風生雅負經濟與丁復夏煜遊有詩名太祖下集慶召見請招賢豪成大業時方建行中書省用為首掾從征浙東授池州同知進華陽知府擢行省都事克處州授總制太祖命

招劉基章溢葉琛等基不出炎使再往基遺以寶劔炎作詩以為劍當獻天子斬不順命者人臣不敢私封還之遺基書數十言基始就見送之建康時城外皆賊城守無一兵苗軍作亂殺院判耿再成執炎及知府王道同元帥朱文剛幽空室脅降不屈賊帥賀仁德燭雁斗酒歌炎炎且飲且罵賊怒拔刀叱解衣炎曰此紫綺裘主上所賜吾當服以死遂與道同文剛皆見害時年四十追贈丹陽縣男建像再成祠道同由中書省宣使知

欽定四庫全書

卷二百八十九

七

處州贈太原郡侯文剛太祖養子小字柴舍變起欲與再成聚兵殺賊不及遂被難贈鎮國將軍附祭功臣廟年魯烏程人為莒州同知洪武三年秋青州民孫古朴為亂襲州城執魯欲降之魯曰國家混一海宇民皆樂業若等悔過自新可轉禍為福不然官軍旦夕至無遺種矣我守土臣義惟一死賊不敢害擁至城南魯大罵遂殺之賊破詔恤其家又有白謙裴源朱顯忠王均諒王名善黃里顧師勝陳敬吳得井孚之屬謙裴源知州

信州盜蕭明來寇譙力不能禦懷印出北門赴水死源  
肇慶府經歷以公事赴新興遇山賊陳勇卿被執勒令  
跪源大罵曰我命官乃跪賊邪遂被殺洪武三年贈官  
二等顯忠如皋人為張士誠將來降以指揮僉事從鄧  
愈下河州抵土番從傅友德克文州遂留守之洪武四  
年蜀將丁世珍召番數萬來攻食盡無援或勸走避顯  
忠叱不聽攻益急裹創力戰城破為亂兵所殺均諒時  
為千戶被執不屈磔死事聞贈恤有差名善義烏人高  
欽定四庫全書

明史  
卷二百八十九

八

二人開門奮急得中毒弩死乎戰死贈得指揮僉事享  
正千戶子孫世襲

王綱字性常餘姚人有文武才善劉基常語曰老夫樂  
山林異時得志勿以世緣累我洪武四年以基薦徵至  
京師年七十鬚髮神色如少壯太祖異之策以治道擢  
兵部郎潮民弗靖除廣東參議督兵餉嘆曰吾命盡此  
矣以書訣家人攜子彥達行單舸往諭潮民叩首服罪  
還抵增城遇海寇曹鎮截舟羅拜願為帥綱一諭以禍  
欽定四庫全書

明史  
卷二百八十九

九

福不從則奮罵賊舁之去為壇坐綱日拜請綱罵不絕  
聲遂遇害彥達年十六罵賊求死欲並殺之其酋曰父  
忠子孝殺之不祥與之食不顧令綴羊草裹父屍而出  
徵史郭純以聞詔立廟死所彥達以廢得官痛父終身  
不仕

王禕字子充義烏人幼敏慧及長身長嶽立屹有偉度  
師柳貫黃潛遂以文章名世觀元政衰敝為書七八千  
言上時宰危素張起巖並薦不報隱青岩山著書名曰

咸太祖取婺州召見用為中書省掾史征江西禱獻頌太祖喜曰江南有二儒卿與宋濂耳學問之博卿不如濂才思之雄濂不如卿太祖創禮賢館李文忠薦禕及許元王天錫召賓館中旋授江南儒學提舉司校理累遷侍禮郎掌起居注同知南康府事多惠政賜金帶寵之太祖將即位召還議禮坐事忤旨出為漳州府通判洪武元年八月上疏言祈天永命之要在忠厚以存心寬大以為政法天道順人心雷霆霜雪可暫不可常浙

欽定四庫全書

明史

卷一百八十九

十

西既平科斂當減太祖嘉納之然不能盡從也明年修元史命禕與濂為總裁禕史事擅長裁煩剔穢力任筆削書成擢翰林待制同知制誥兼國史院編修官奉詔預教大本堂經明理達善聞導召對殿廷必賜坐從容宴語未久奉使吐蕃未至召還五年正月議招諭雲南命禕齋詔往至則諭梁王亟宜奉版圖歸職方不然天討旦夕至王不聽館別室他日又諭曰朝廷以雲南百萬生靈不欲殲於鋒刃若恃險遠抗明命龍驤鷁艦會

戰昆明悔無及矣梁王駭服即為改館會元遣托克托徵餉危言脅王必欲殺禕王不得已出禕見之托克托欲屈禕禕叱曰天既訖元命我朝寔代之汝燭火餘燼敢與日月爭明邪且我與汝皆使也豈為汝屈或勸之曰王公素負重名不可害托克托攘臂曰今雖孔聖義不得存禕顧王曰汝殺我天兵繼至汝禍不旋踵矣遂遇害時十二月二十四日也梁王遣使致祭具衣冠敘之建文中禕子紳訟禕事詔贈翰林學士諡文節正統

欽定四庫全書

明史

卷一百八十九

十一

中改諡忠文成化中命建祠祀之紳字仲縉禕死時年十三鞠於兄綬事母兄盡孝友長博學受業宋濂濂器之曰吾友不亡矣蜀獻王聘紳待以客禮紳啟王往雲南求父遺骸不獲即死所致祭述滇南慟哭記以歸建文帝時用薦召為國子博士預修太祖寔錄獻大明鏡歌鼓吹曲十二章與方孝孺友善卒官子孫字叔豐師方孝孺孝孺被難與其友鄭珣輩潛收遺骸禍幾不測自是絕意仕進初紳痛父亡食不兼味孫守之不變居

喪不飲酒不食肉者三年門人私諡曰孝莊先生子汶  
字允達成化十四年進士授中書舍人謝病歸讀書齋  
山下弘治初言者交薦與檢討陳獻章同召未抵京卒  
禔死雲南之三年死事者又有吳雲雲宜興人元翰林  
待制仕太祖為湖廣行省參政洪武八年九月太祖議  
再遣使招諭梁王召雲至語之曰今天下一家獨雲南  
未奉正朔殺我使臣卿能為我作陸賈乎雲頓首請行  
時梁王遣鐵知院輩二十餘人使漠北為大將軍所獲  
欽定四庫全書

明史  
卷二百八十九

三

送京師太祖釋之令與雲偕行既入境鐵知院等謀曰  
吾輩奉使被執罪且死乃誘雲令詐為元使改制書共  
約梁王雲誓死不從鐵知院等遂殺雲梁王聞其事收  
雲骨送蜀給孤寺殯之雲子徽上雲事於朝詔馳傳返  
葬以徽為國子生弘治四年正月贈雲刑部尚書諡忠  
節與禔並祠改祠額曰二忠

熊鼎字伯穎臨川人元末舉於鄉長龍溪書院江西寇  
亂鼎結鄉兵自守陳友諒屢脅之不應鄱愈鎮江西數

延見奇其才薦之太祖欲官之以親老辭乃留愈幕府  
贊軍事母喪除召至京師授德清縣丞松江民錢鶴皋  
反鄰郡大驚鼎鎮之以靜吳元年召議禮儀除中書考  
功博士遷起居注承詔搜括故事可懲戒者書新宮壁  
間舍人耿忠使廣信還奏郡縣官違法狀帝遣御史廉  
之而時已頒赦書丞相李善長再諫不納鼎偕給事中  
尹正進曰朝廷布大信於四方復以細故煩御史失信  
且褻威帝默然久之乃不遣御史洪武改元新設浙江

欽定四庫全書

明史  
卷二百八十九

三

按察司以鼎為僉事分部台溫台溫自方氏竊據偽官  
悍將二百人暴橫甚鼎盡遷之江淮間民始安平陽知  
州梅鑑坐賊辨不已民數百咸訴知州無罪鼎將聽之  
吏白鼎釋知州如故出何鼎歎曰法以誅罪吾敢畏謹  
誅無罪人乎釋鑑以情聞報如其奏率海民陳德仲吏  
解黎異異妻屢訴不得直鼎一日覽牒有青蛙立案上  
鼎曰蛙非黎異乎果異正弗動蛙果弗動乃逮德仲鞠  
寔立正其罪是秋山東初定設按察司復以鼎為僉事

鼎至奏罷不職有司數十輩列部肅清鼎欲稽官吏利弊乃令郡縣各置二廳日書所治訟獄錢粟事一留郡縣一上憲府遞更易按歷鈎考之莫敢隱者尋進副使徙晉王府右傳坐累左遷復授王府參軍召為刑部主事八年西部多爾濟已勒率衆內附改鼎岐寧衛經歷既至知寇偽降密疏論之帝遣使慰勞賜裘帽復遣中使趙成召鼎鼎既行寇果叛脅鼎北還鼎責以大義罵之遂與成及知事杜寅俱被殺帝聞悼惜命葬之黃羊

欽定四庫全書

明文  
卷二百八十九

川立祠以所食俸給其家

易紹宗攸人洪武時從軍有功授象山縣錢倉所千戶建文三年倭登岸剽掠紹宗大書於壁曰設將禦敵設軍衛民縱敵不忠棄民不仁不忠不仁何以為臣為臣不職何以為人書畢命妻李具牲酒生奠之訣而出密令遊兵間道焚賊舟賊驚救紹宗格戰追至海岸陷淖中手刃數十人遂被害其妻攜孤妻於朝賜葬祭勒碑旌之

欽定四庫全書

明文  
卷二百八十九

十五

琴彭交趾人永樂中以父安知府署茶籠州事有善政宣德元年賊黎利率衆圍其城彭拒守七月糧盡卒疲諸將無援者巡按御史飛章請救宣宗馳勅青榮昌伯陳智等曰茶籠守彭被困孤城矢死無貳若等不援將何以逃責急發兵解圍無干國憲勅未至而城陷彭死之詔贈交趾左布政使送一子京師官之時交趾人陳汝石朱多蒲陶季容陳汀亦皆以忠節著汝石初為陳氏小校大軍南征率先歸附積功至都指揮僉事永樂十七年四忙土官車綿子等叛汝石從方政討之深入賊陣中流矢墜馬與千戶朱多蒲皆死多蒲亦交趾人事聞遣行人賜祭賻其家官為置塚

皇甫斌壽州人先為興州右屯衛指揮同知以才調遼海衛忠勇有智略遇警輒身先士卒宣德五年十月勒兵禦寇至密城東峪自旦及晡力戰矢盡援絕子弼以身衛父俱戰死千戶吳貴百戶吳襄毛觀並驍勇出必衝鋒至是皆死斌等雖死殺傷過當寇亦引退事聞詔

有司哀恤

張瑛字彥華浙江建德人永樂中舉於鄉歷刑部員外郎正統時擢建寧知府鄧茂七作亂賊二千餘迫城結砦四出剽掠瑛率建安典史鄭烈會都指揮徐信軍分三路襲之斬首五百餘遂拔其砦進右參議仍知府事烈亦遷主簿茂七既誅其黨林拾得等轉掠城下瑛與從父敬禦之賊敗乘勝逐北陷伏中敬死瑛被執大罵不屈死詔贈福建按察使賜祭官其子弘治中建寧知

欽定四庫全書

明史  
卷二百八十九

七

府劉璵請於朝立祠致祭時泉州守熊尚初亦以拒賊被執死尚初南昌人初為吏以才擢都察院都事進經歷正統中用都御史陳鑑薦擢泉州知府盜起上官檄尚初監軍不旬日降賊數百已而賊逼城下守將不敢禦尚初憤提民兵數百與晉江主簿史孟常陰陽訓衛楊仕弘分統之拒於古陵坡兵敗皆遇害郡人哀之為配享忠臣廟

王禎字維禎吉水人祖省死建文難自有傳成化初禎

由國子生授夔州通判二年剽襄石和尚流劫至巫山督盜同知王某者怯不救禎面數之即代勒所部民兵晝夜行至則城已陷賊方聚山中禎擊殺其魁餘盡遁乃行縣撫傷殘招潰散久乃得還甫三日賊復劫大昌禎趣同知行不應指揮曹能榮成與同知比激禎曰公為國出力肯復行乎禎即請往兩人偽許相左右禎上馬挾二人與俱夾水陣既渡兩人見賊即走禎被圍半日誤入淖中賊執欲降之禎大罵賊怒斷其喉及右臂

欽定四庫全書

明史  
卷二百八十九

七

而死從行者奉節典史及部卒六百餘人皆死自死所至府三百餘里所乘馬奔歸血淋漓毛盡赤衆始知禎敗往覓屍面如生子廣駕馬為歸賢王同知得馬不償直櫬既行馬夜半哀鳴同知起視之馬驟前齧項擣其胸翼日嘔血死人稱為義馬事聞贈禎食事錄一子萬琛字廷獻宣城人慷慨負氣節舉於鄉弘治中知瑞金縣十八年正月劇盜大至縣人洶洶逃竄有勸琛急去者琛斥之率民兵數十人迎敵殺賊二十餘人相持

至明日力屈被執罵不絕口賊攢刺之乃死贈光祿少卿賜祭葬予廕時有王祐者為廣昌知縣賊至民盡逃援兵又不至祐拔刀自刎其腹曰有城不能守何生為左右奔奪其刀後援兵集賊稍退越七日復突至祐倉皇赴敵死之

周憲安陸人弘治六年進士除刑部主事進員外郎十七年坐事下詔獄謫兗州通判正德初復故官歷江西副使華林馬腦賊方熾總督陳金檄憲勦之平馬腦砦

欽定四庫全書

明史  
卷二百八十九

六

及仙女鷄公嶺諸寨先後斬獲千餘人華林賊窘遣謀者詭言饑困狀憲信之移檄會師夾擊他將多觀望憲攻北門三戰賊稍却與子幹先登逼之賊下木石如雨軍潰憲中槍幹前救力戰墮崖死憲創重被執罵不絕口賊支解之事始聞贈按察使子祭奠諡節愍廕一子旌幹門曰孝烈嘉靖二年江西巡撫盛應期請與黃宏馬思聰並旌詔附祀忠烈祠後從給事中李鐸言命有司歲給其家米二石帛二匹

楊忠寧夏人世官中衛指揮以功進都指揮僉事廣介有謀勇正德五年安化王寘鐸反其黨丁廣將殺巡撫安惟學忠在側罵曰賊狗敢犯上邪廣怒殺之迄死罵益厲忠同官李睿聞變馳至寘鐸所門閉不得入大罵為賊所賊百戶張欽不從逆走至雷福堡亦被殺皆贈官子廕表忠睿曰忠烈之門欽曰忠節之門

吳景南陵人弘治九年進士正德中歷官四川僉事守江津重慶人曹弼亡命播州糾衆寇川南謀與大盜藍

欽定四庫全書

明史  
卷二百八十九

九

廷瑞合六年正月逼江津御史俞繼通去屬景及都指揮龐鳳禦之鳳邀景俱走景不可率典史張俊迎擊手殺三賊矢被面急收兵入保城已陷大呼曰寧殺我毋殺士民賊強之跪不屈遂被殺俊亦死巡撫林俊上其事詔贈景副使賜祭莫立祠江津子世廕是月僉事王源行部川北會藍廷瑞鄢本恕等掠通已至營山源率典史鄧俊禦之皆被殺贈源副使廕其子源五臺人弘治十二年進士明年正月賊麻六兒將逼川東副使馮

傑遼擊於倉溪俘斬頗衆日晡移營鐵山關賊乘夜衝  
突傑死之贈按察使賜祭葬諡恪愍世廕百戶是時略  
陽知縣孫璽劍州判官羅明梁山主簿時植亦皆死於  
賊璽字廷信代州人舉於鄉知扶風縣都御史監章以  
略陽漢中要地舊無城檄璽往城之工未畢賊至縣令  
嚴順欲去璽拔刀斫坐几曰欲去者視此乃率寮屬堅  
守數日城陷璽被執大罵不屈賊驚殺之順逃去誣璽  
俱逃溺於江以他人屍斂璽子啟視非是訟於朝勘得  
死節狀贈光祿少卿賜祭予廕抵順罪明以吏起家鄢  
本怒逼其城與子介拒守城陷父子皆罵賊死植字良  
材通許人由國子生授官時攝縣事賊方四等略地植  
拒却之斬獲數十級踰月復至相拒數日城陷說之降  
不屈脅取其印不予大罵被殺妻賈聞變即自縊女九  
歲赴火死明植皆贈恤如制而表植妻女為貞烈其時  
士民冒死殺賊者有趙趣徐敬之雷應通袁瓊之屬趙  
梁山諸生賊攻城同友人黃甲李鳳何環蕭銳徐宣楊

茂寬趙采誓死拒守城陷皆死都御史林俊嘉其義立  
祠祀之敬之亦梁山人衆推為部長以拒賊陷陣死應  
通嘉州人賊衝百丈關父子七人倡義死戰被執俱懷  
慨就殺璋江南人素以勇俠聞巡撫林俊委勦賊所在  
有力後為所執其子襲挺身救之連殺七賊亦被執俱  
死襲死三日兩目猶睜視其父林俊表其門曰父子忠  
節總制彭澤為勒石城隍廟祀於忠孝祠  
霍恩字天錫易州人弘治十五年進士正德中歷知上  
蔡縣六年賊四起中原郡邑多殘破畿內則東強知縣  
段勇大城知縣張汝舟河南則恩及典史梁達西平知  
縣王佐主簿李銓樂縣知縣唐天恩永城知縣王昂裕  
州同知郁采都指揮詹濟卿官任賢固始丞曾基夏邑  
丞安宣息縣主簿邢祥睢寧主簿金聲邱紳西華教諭  
孔環山東則萊蕪知縣熊驂萊州衛指揮僉事蔡顯南  
畿則靈璧主簿蔣賢皆抗節死而恩佐采環死尤烈恩  
與梁達共守當賊至時語妻劉曰脫有急汝若何劉顧

同死乃築臺廨後約曰見我下城即賊入矣及城陷恩  
拔刀下城劉臺上見之即縊未絕以簪刺心死恩被執  
賊脅之跪罵曰吾此膝肯為賊屈乎賊日殺人以備之  
罵益厲賊以刀抉其口支解之達自經死旁字世高澤  
州人起家進士正德中授兵科都給事中請梟強令賊  
至連戰却之及城陷中四矢一鎗瞑目大呼殺賊而死  
賊屠其城汝舟官大城時與主簿李銓迎戰皆被殺佐  
字汝弼潞州舉人授西平令手殺賊數十人矢斃其渠  
帥賊忿急攻三日佐力屈被執罵不絕口賊縣諸竿殺  
而支解之天恩知葉縣賊至與父政等七人俱死昂知  
永城城陷繫印於肘端坐待賊不屈死采字亮之浙江  
山陰人進士由主事謫教諭遷裕州同知與濟賢共堅  
守斬獲多城陷被執采罵不輟賊碎其輔頰而死濟亦  
不屈死賢嘗為御史方里居招邑子三千人拒守罵賊  
死一家死者十三人基為固始丞被執使馭馬不從被  
害宣初授夏邑丞賊楊虎逼其境或勸毋往宣兼程進

抵任七日賊大至拒守有功城陷死之祥已致仕城陷  
罵賊死聲紳與義士朱用之迎戰死環南宮人由歲貢  
生授來安知縣為劉瑾黨所陷左遷西華教諭被執賊  
曰呼我王即釋汝厲聲曰我恨不得碎汝萬段肯媚汝  
求活耶遂被殺駭為賊所執與主簿韓塘俱不屈死顯  
與三子洪英順俱禦盜力戰死諸人死節事聞皆贈官  
賜祭予廢立祠如制恩妻劉贈宜人建忠節坊旌之天  
恩昂基宣祥諸人里貫無考時有鄭寶為蔚林州同知  
署北流縣事妖賊李通寶犯北流寶與子宗珪出戰皆  
死王振者為福建黃崎鎮巡檢海寇大至率三子臣朝  
寔迎戰竟日伏兵起振被殺屍僵立三子救之臣重傷  
朝寔皆死亦予恤有差

孫燧字德成餘姚人弘治六年進士歷刑部主事再遷  
郎中正德中歷河南右布政使寧王宸濠有逆謀結中  
官幸臣日夜訶中朝事幸有變又劫持羣吏厚餌之使  
為已用惡巡撫王哲不附己毒之得疾踰年死董傑代

哲僅八月亦死自是官其地者惴惴以得去為幸代傑者任漢俞諫皆歲餘罷歸燧以才節著洛聲廷臣推之代十年十月擢右副都御史巡撫江西燧聞命嘆曰是當死生以之矣遣妻子還鄉獨攜二僮以行時宸濠逆狀已大露南昌人洶洶謂宸濠旦暮得天子燧左右悉宸濠耳目燧防察密左右不得窺獨時時為宸濠陳說大義卒不悅陰察副使許達忠勇可屬大事與之謀先是副使胡世寧暴宸濠逆謀中官幸臣為之地世寧得罪去燧念訟言於朝無益乃托禦他寇預為脩先城進賢次城南康瑞州惠建昌縣多盜割其地別置安義縣以漸弭之而請復饒撫二州兵脩不得復則請救湖東分巡兼理之九江當湖衝最要嘗請重兵脩道權兼攝南康寧州武寧瑞昌及湖廣興國通城以便控制廣信橫峰青山諸窻地險人悍則請設通判駐弋陽兼督旁五縣兵又恐宸濠劫兵器假討賊盡出之他所宸濠瞞燧圖已使人賂朝中幸臣去燧而遺燧棗梁薑芥以示

意燧笑却之達勸燧先發後聞燧曰奈何予賊以名且需之十三年江西大水宸濠素所蓄賊凌十一吳十三閔念四等出沒鄱陽河燧與達謀捕之三賊遁沙井燧自江外掩捕夜大風雨不克濟三賊走匿宸濠祖墓間於是密疏白其狀且言宸濠必反章七上輒為宸濠遮護不得達宸濠恚甚因宴毒燧不死燧乞致仕又不許憂懼甚明年宸濠脅鎮巡官奏其孝行燧與巡按御史林潮翼藉是少緩其謀乃共奏於朝朝議方降旨責燧等會御史蕭淮盡發宸濠不軌狀詔重臣宣諭宸濠聞遂決計反六月乙亥宸濠生日宴鎮巡三司明日燧及諸大吏入謝宸濠伏兵左右大言曰孝宗為李廣所誤抱民間子我祖宗不血食者十四年今太后有詔令我起兵討賊亦知之乎眾相顧愕眙燧直前曰安得此言請出詔示我宸濠曰毋多言我往南京汝當扈駕燧大怒曰汝速死耳天無二日吾豈從汝為逆哉宸濠怒叱燧燧益怒急起不得出宸濠入內殿易戎服出麾兵縛

燧達奮曰汝曹安得辱天子大臣因以身翼蔽燧賊并縛達二人且縛且罵不絕口賊擊燧左臂與折達同曳出達謂燧曰我勸公先發者知有今日故也燧達同遇害患民門外巡按御史王金布政使梁宸以下咸稽首呼萬歲宸濠遂發兵偽署三賊為將軍首遣婁伯徇進賢為知縣劉源清所斬招窩賊賊畏守吏不敢發大索兵器於城中不得賊多持白挺伍文定起義兵設兩人木主於文天祥祠率吏民哭之南贛巡撫王守仁與共

欽定四庫全書

明史  
卷二百八十九

三

平賊諸遁賊走安義皆見獲無脫者人於是益思燧功燧生有異質兩目炯炯夜有光死之日天忽陰慘烈風驟起凡數日城中民大恐走收兩人屍屍未變黑雲蔽之蠅蚋無近者明年守臣上其事於朝未報世宗即位贈禮部尚書諡忠烈與達並祀南昌賜祠名旌忠各廕一子燧子堪聞父計率兩弟埤陞赴之會宸濠已擒扶柩歸兄弟廬墓蔬食三年有芝一莖九葩者數本產墓上服除以父死難更墨哀三年世稱三孝子堪字志健

為諸生能文善騎射既廢錦衣中武會試第一擢署指揮同知善用强弩教弩卒數千人以備邊歷都督僉事事母楊至孝母年九十餘致京師堪年亦七十護喪歸在道以毀卒巡按御史趙炳然上堪孝行得旌堪子鉦亦舉武會試官都督同知鉦子如津都督僉事埤字仲泉以選貢生歷官尚寶卿陞官尚書埤孫如游大學士如游孫嘉績僉事陞子鑰鑰皆尚書埤侍郎鏞太僕卿鑰子如法主事如洵參政並以文章行誼世其家陞鑰鑰如游如法嘉績事皆別見

欽定四庫全書

明史  
卷二百八十九

三

許達字汝登固始人正德三年進士長身巨口猿臂燕頤沈靜有謀略授樂陵知縣六年春流賊劉七等屠城邑殺長吏諸州縣率開城守或棄城遁或遣之芻粟弓馬乞賊毋攻達之官慨然為戰守計縣初無城督民版築不踰月城成令民屋外築牆牆高過簷啟圭竇才容人家選一壯者執刃伺竇內餘皆入隊伍日視旗為號違者軍法從事又募死士伏巷中洞開城門賊果至旗